

nio colectivo único do persoal laboral da Xunta de Galicia. En virtude do anterior a Comisión Permanente Central acordou, na súa xuntanza do día 26 de marzo de 2008, elevarlle a este centro directivo as listaxes correspondentes e, de conformidade co disposto no artigo 11 do Decreto 37/2006, do 2 de marzo, a Dirección Xeral da Función Pública

RESOLVE:

Primeiro.-Incluír os integrantes da lista da categoría 054, encargado de tarefas asistenciais e recuperadoras (ETAR), do grupo III, na lista da categoría 006, educador/a, profesor/a especial, do grupo II, e facer públicas as listas provisionais coas puntuacións resultantes da aplicación do baremo establecido no artigo 9 do Decreto 37/2006.

Segundo.-As listas atópanse expostas nos taboleiros de anuncios do Servizo de Información e Atención ao Cidadán da Consellería de Presidencia, Administracións Públicas e Xustiza, no Servizo de Información Administrativa e Atención ao Cidadán en Santiago de Compostela, no Servizo de Información dos edificios administrativos da Xunta de Galicia en Vigo e Ferrol, nas oficinas comarcais da Xunta de Galicia e tamén poden descargarse da páxina web da Xunta de Galicia (www.xunta.es).

As listas están expostas na forma que se indica a seguir:

Solicitantes admitidos na lista con indicación da puntuación provisional.

Solicitantes excluídos con expresión da causa de exclusión.

Terceiro.-Os/as interesados/as disporán dun prazo de dez días, contados a partir do seguinte ao da publicación desta resolución no *Diario Oficial de Galicia*, para formular as oportunas alegacións que irán dirixidas á Comisión Permanente Central, Dirección Xeral da Función Pública, Consellería de Presidencia, Administracións Públicas e Xustiza, edificio administrativo San Caetano, s/n, Santiago de Compostela.

Estas alegacións acompañaranse, de ser o caso de:

Mestre/a, diplomado/a en educación social ou 1º ciclo da licenciatura de psicoloxía ou pedagogía.

Unha vez transcorrido o prazo citado, se é o caso, levaranse para efecto as emendas procedentes, dándoselles a oportuna publicidade, mediante a publicación da resolución coas puntuacións definitivas no *Diario Oficial de Galicia*.

Santiago de Compostela, 1 de abril de 2008.

María del Mar Rodríguez Fernández
Directora xeral da Función Pública

Resolución do 7 de abril de 2008, da Secretaría Xeral de Emigración, pola que se modifica a Resolución do 4 de febreiro, pola que se establece e se regula o programa de axudas económicas individuais a galegos residentes no exterior para o exercicio de 2008, e se fai pública a ampliación do importe existente para a concesión das axudas económicas individuais a galegos residentes no exterior para o exercicio de 2008.

A Resolución do 4 de febreiro de 2008 (DOG nº 20, do 12 de febreiro), da Secretaría Xeral de Emigración, pola que se establece e se regula o programa de axudas económicas individuais a galegos residentes no exterior para o exercicio de 2008, se regula a concesión de axudas económicas, directas, individuais e de carácter social, dirixidas aos emigrantes de nacionalidade española e de orixe galega e a determinados familiares, residentes no estranxeiro, que se atopen en situación de precariedade económica. Estas axudas están destinadas a cubrir as necesidades básicas de subsistencia e atención sociosanitaria.

A citada resolución recolle, nos artigos 4 ao 9, distintos supostos en que se poden atopar os/as emigrantes galegos/as e a súa unidade familiar, que, pola súa precariedade, son merecedores dunha asistencia e protección por parte da Administración autonómica. O artigo 4 regula os requisitos que deben cumprir para ser beneficiarios dunha axuda os/as emigrantes que se atopen nunha situación de precariedade económica, que residan nun país co que o Estado español non teña asinado convenio bilateral en materia de Seguridade Social. Este suposto ten por finalidade a concesión de axudas a emigrantes residentes en países con condicións económicas e sociais menos favorables e nos cales a acreditación de atoparse en situacións que poidan encadrarse noutros supostos de axuda recollidos nesta resolución é moi dificultosa, e ás veces imposible. Estas circunstancias, e a novidade deste suposto, provocaron que o número de solicitudes de axuda do artigo 4 incrementase, antes do remate do prazo de presentación de solicitudes, máis do 50% do total de solicitudes respecto ao exercicio de 2007, polo que se considera necesaria a modificación da contía mínima das axudas establecida no artigo 12.1º para este suposto de axuda, así como proceder á ampliación do crédito destinado a elas, de acordo co establecido no artigo 23, co fin de que, de acordo coa puntuación obtida por cada un dos solicitantes con base nos criterios de valoración establecidos no artigo 19.1º, poidan atenderse o maior número de solicitudes posibles.

Por outra banda, o artigo 3.2º.1 establece que se considera que o solicitante ten rendas ou ingresos insuficientes cando aqueles de que dispoña, ou se prevea que vai dispoñer en cómputo anual, sexan iguais ou inferiores á base de cálculo da pensión

asistencial por anciandade establecida polo Estado para o país de residencia (na actualidade prestación económica por anciandade, de acordo co Real decreto 8/2008, do 13 de xaneiro), nas contías que se determinen para o exercicio de 2008, computando todo tipo de rendas, mesmo as axudas públicas ou privadas. Dado que o Estado non ten fixadas as contías das prestacións económicas por anciandade para todos os países, faise necesario que esa referencia para os devanditos países se faga á contía da pensión non-contributiva do Estado Español, que é o indicador principal para a fixación da citada prestación.

Por todo o exposto, e no uso das facultades que me foron conferidas,

DISPOÑO:

Artigo primeiro.-Modifícase o artigo 3.2º.1, que queda redactado como segue:

Considerarase que existen rendas ou ingresos insuficientes cando aqueles de que dispoña o interesado, ou se prevexa que vai dispoñer en cómputo anual, sexan iguais ou inferiores á base de cálculo da prestación asistencial por anciandade establecida polo Estado para o país de residencia (sen prexuízo das contías específicas do artigo 10.2º), nas contías que se determinen para o exercicio de 2008, computando todo tipo de rendas, mesmo as axudas públicas ou privadas. Nos países en que non estea fixada a contía da prestación asistencial por anciandade polo Estado, as referencias establecidas nesta resolución entenderanse feitas á contía da pensión non-contributiva do Estado español determinada para o exercicio de 2008.

Artigo segundo.-Modifícase o primeiro parágrafo do artigo 12.1º, que queda redactado como segue:

12.1º. A contía da axuda poderá variar entre un mínimo de 430 € e un máximo de 900 €. Estes límites non serán aplicables ao suposto de axudas establecido no artigo 4. Será fixada tendo en conta:

-O número de solicitudes presentadas.

-O importe da axuda estará en función da avaliación obtida en aplicación dos criterios establecidos no artigo 19 e tendo en conta a gravidade do suposto polo que se solicita, ordenándoas en orde decrescente segundo os artigos correspondentes a cada suposto tal como se sinala a seguir: 5º, 7º, 8º, 10º, 9º, 6º, 11º e 4º.

Artigo terceiro.-Para o exercicio orzamentario de 2008 amplíase en 400.000 € (catrocentos mil euros) o importe da contía inicial prevista na Resolución do 4 de febreiro de 2008, da Secretaría Xeral de Emigración, pola que se establece e se regula o programa de axudas económicas individuais a galegos residentes no exterior para o exercicio de 2008, que será financiada con cargo ao crédito dispoñible na aplicación orzamentaria 04.50.312C.480.0.-Accións política migratoria.

Artigo cuarto.-Esta modificación non afecta os prazos establecidos na Resolución do 4 de febreiro de 2008, da Secretaría Xeral de Emigración, pola que se establece e se regula o programa de axudas económicas individuais a galegos residentes no exterior para o exercicio de 2008, para a presentación de solicitudes, nin afecta o resto do articulado desta resolución.

Artigo quinto.-Contra esta resolución cabe interpoñer potestativamente recurso de reposición ante o mesmo órgano que a ditou no prazo dun mes contado a partir do día seguinte ao da publicación no *Diario Oficial de Galicia*.

Así mesmo, poderá interpoñerse recurso contencioso-administrativo ante o Tribunal Superior de Xustiza de Galicia, no prazo de dous meses contados a partir do día seguinte ao da publicación, de acordo co establecido na Lei 29/1998, do 13 de xullo, da xurisdición contencioso-administrativa.

Santiago de Compostela, 7 de abril de 2008.

Manuel Luis Rodríguez González
Secretario xeral de Emigración

CONSELLERÍA DE INNOVACIÓN E INDUSTRIA

Orde do 24 de marzo de 2008 pola que se establecen as bases reguladoras para a concesión, en réxime de concorrencia competitiva, de subvencións a concellos do litoral para o acondicionamento e mellora das zonas de costa onde se practique asiduamente o baño, e se procede á súa convocatoria para o ano 2008 (IN982J).

Galicia, como destino turístico, conta cun amplo abano de produtos que lle outorgan unha singularidade en canto á súa oferta turística, a cal, cunha rica e variada oferta de recursos (patrimoniais, culturais, paisaxísticos...) permite que Galicia sexa, cada vez máis, un dos principais destinos elixidos polas persoas interesadas en coñecer xente e lugares novos.

No marco desta ampla gama turística que ofrece a Comunidade galega, debe destacarse o contorno natural do seu amplo litoral costeiro (1.300 km de costa) no cal se reparten 772 praias, distribuídas nas cinco grandes rías, espazos naturais cunhas condicións óptimas para o desenvolvemento de actividades turísticas vinculadas ao mar.

A costa é un espazo de lecer cunha gran demanda na época estival, co consecuente impacto económico